

FEDERACIJA BOSNE I HERCEGOVINE  
ZENICKO - DOBOJSKI KANTON  
OPĆINA KAKANJ

Broj: **AZ - 204/20**  
Datum: **23.09.2020.**

Primljeno: 23-09-2020		Općina Kakanj	
Org. jed.	Kl. oznaka	Broj	Stručna služba za poslove Općinskog vijeća
			Ul. Branilaca 1 72240 Kakanj

## **PREDMET:** Zahtjev za izdavanje saglasnosti za izmještanje puta

Poštovani,

društvo "TRGOŠPED" d.o.o. Kakanj je u postupku ishodovanja potrebnih saglasnosti za proširenje eksploatacionog polja kamenoloma tehničkog kamena "Borovačka stijena" kod Kakanja, a koji vodi Ministarstvo za privredu ZE-DO kantona. Prošireno eksploataciono polje bi trebalo zahvatati i dio parcele označene kao k.č. 3054 k.o. Bijeje Vode, koja je označena kao javno dobro put.

S obzirom da se ne može izdati dozvola za eksploataciju niti zaključiti ugovor o koncesiji na parcelama označenim kao javno dobro, niti se može nastaviti sa procedurom proširenja eksploatacionog polja bez utvrđivanja površine eksploatacionog polja, ovim putem Vam se obraćam u ime i ispred društva "TRGOŠPED" d.o.o. Kakanj, sa ovim zahtjevom za izdavanje saglasnosti za izmještanje puta sa parcele 3054 k.o. Bijeje Vode, kako bismo mogli nastaviti proceduru pribavljanja dokumentacije za podnošenje zahtjeva za proširenje eksploatacionog polja.

Društvo "TRGOŠPED" d.o.o. Kakanj je spremno o svom trošku izvršiti izmještanje puta koji se nalazi na dijelu k.č. br. 3054 (javno dobro put), kako isti ne bi bio unutar proširenog eksploatacionog polja kamenoloma "Borovačka stijena" kod Kakanja.

Kao potvrdu gore navedenog društvo "TRGOŠPED" d.o.o. Kakanj je spremno zaključiti Ugovor o prijateljskom okruženju sa Općinom Kakanj, u kojem će detaljnije biti navedene obaveze društva "TRGOŠPED" d.o.o. Kakanj, a koje se odnose na ukidanje postojećeg puta i izgradnju nove trase puta, čije će tehničke karakteristike (širina puta, vrsta kolovozne konstrukcije, oprema puta) biti najmanje jednake tehničkim karakteristikama postojećeg puta.

S poštovanjem,



TRGOŠPED d.o.o. Kakanj:

Alma, prokurist